

**Timersortartut, Kalaallit Nunaat sinnerlugu nunanut allanut unammisartut, nunanut allanut unammisartuunermi atatillugu, sulnngiffeqarnermini annaasaminnik qanoq iliorlutik taarsiiffiqeqarsinnaanerannut tunngasunik paasititsiniaanernik ingerlatsinissamik Naalakkersuisut suliakkerneqarnissaat pillugu Inatsisartut aalajangiiffigisassaattut siunnersuut. Paasititsiniaaneq 2021 ingerlanerani naammassineqassaaq.**

(Inatsisartunut ilaasortaq Peter Olsen, Inuit Ataqatigiit)

### **Akissuteqaat**

(Ilinniartitaanermut, Kultureqarnermut Ilageeqarnermullu Naalakkersuisoq)

### **Siullermeerneqarnera**

Naalakkersuisut Peter Olsenip, Inuit Ataqatigiit, Inatsisartut aalajangiiffigisassaattut siunnersuuteqarneranut qujapput.

Ukiuni kingullerni timersorneq, tassani nalinginnaasumik timersorneq kiisalu pikkorivissortut timersornerat, politikikkut sammineqarnerulersimanagerat Naalakkersuisut nuannaarutigaa. Pikkorivissorluni timersornermut atatillugu nuannaarutigaarput nutaarsiassatigut takusinnaangoratsigu timersullammattavut nunanut allanut unammisartortartut takutitsilluartarmata. Timersortartut kattuffii qanimut suleqatigalugit timersornerup taamatut ineriartuinnarnissaa Naalakkersuisunit kissaatiginarpoq.

2019-imi upernaakkut ataatsimiinnermi nunami maani timersortartut nunanut allamiunut unammisartut sungiusaqatigiittarnissaminnut periarfissagissaarnerulernissaat pillugu Naalakkersuisut misissueqqullugit siunnersuut akuerineqarpoq. Misissuinnermi angalanermi aningaasartuutit qaffasissut pillugit ajornartorsiutit sammineqarnerisa saniatigut ilaatigut inernilunneqarpoq timersullammaat sungiusaasullu sulisilluni akissarsiasaraluit annaasat ajornartorsiutigigaat. Maani oqaatigineqassaaq 2019-ip naanerani 2020-llu aallartinnerani misissuisoqarmat.

Ilinniartitaanermut, Kultureqarnermut Ilageeqarnermullu Naalakkersuisoqarfiup Elite Sport Greenlandip allattoqarfia ataatsimeeqatigaa ajornartorsiutit nalunaarummi nassuiarneqartut sulii ajornartorsiutaanersut paasinialugit. Elite Sport Greenlandip siullermik nassuerutigaa ukiuni siusinnerusuni sulisilluni akissarsiasaraluit annaasat matussusernissaannut aningaasaliissutit tamakkiisumik atorneqarnissaannut ajornartorsiuteqarsimallutik. Taassuma saniatigut ilisimatitsissutigaa aningaasaliissutit 2018-imi amerlineqarmatali tapiissutit aaqquissuussap ilisimaneqarnerulernissaanut suliniuteqarnerulersimallutik. Tamanna kattuffinnut ataasiakkaanut periarfissaq pillugu ilisimatitsinikkut pivoq, taakkulu timersortartunut ingerlateqqippaat. Elite Sport Greenland taassuma saniatigut internet atorlugu qinnuteqarnissamut immersugassanik timersortartut nunanut allanut unammisartunut ikiutissatut pilersitsisimapput.

Taamatut paasititsiniaanerup kingunerisaanik aningaasaliissutaasunit atorneqartut amerlipput. Taamaalillutik 2019-imi aningaasaliissutit 80 %-ii tunniunneqarsimallutik.

Elite Sport Greenland aamma ilisimatitsivoq timersortartut nunanut allanut unammiartornermut atatillugu sulisilluni akissarsiat annaasat matussuserneqarnissaannut qinnuteqarsinnaaneq pillugu paasititsiniaaneq ingerlalluortoq ingerlaannassasorlu kiisalu pitsanngoriartornissaa naatsorsuutigineqartoq.

Naalackersuisut tamanna tunngavigalugu paasititsiniaanerup saniatigut qaammarsaasoqarnissaa pisariaqarsorinngilaat.

Taamaattumik Naalackersuisut taamatut oqaaseqarlutik siunnersuut itigartinneqassasoq inassutigaat.